

編號 3 號

【姐公个紅棗細寶貝】劉純汝原作

記得對偌略略仔知人我以來，在逐年翕熱个暑假，阿姆總會渡偌轉姐公屋下。因為姐公戴在苗栗个公館客家莊，種有一大片个紅棗園，七、八月仔緊工个時節，阿公个子女都會轉來搵手。

收成趕事个逐朝晨，天正甫甫仔光，姐公、姐婆、阿舅摺姑婆就會戴帽仔、落手袖仔、著長褲、水靴筒……全身包到好勢好勢，攞等大隻、細隻个塑膠桶仔、布袋這兜，出發去園肚摘紅棗哩！見擺，偌總係睡過迄、跔人毋著，就單淨伸著留在屋下搵手擇紅棗个份。分偌印象當深个一擺，係偌十歲該年，打早、天還官光偌就輕手輕腳跋跣床，恬恬仔著好衫褲，在廳下等姐公佢兜。

姐婆看著偌著下驚：「啊哦，你這隻細嗶仔，日頭都還在該睡，你坐在這，做麼个呢？」

偌講：「分偌跔好無？」

姐婆應偌：「你徑手徑腳就會，棗仔樹、笏了了<sup>1</sup>，係分佢刺著，斯會喊阿姆哀唷！大人無閒泊杈，麼人愛搭你！」

<sup>1</sup> 笏了了：音 ned` liau` liau`；刺很多。

顛倒係最惜偌个姐公，笑笑仔講：「毋怕，分佢跔，佢乜盡久無去紅棗園咧，共下來去看姐公个紅棗細寶貝啊！」

「新娘上轎——頭一擺」，分偌跔著哩！一入到園肚，偌就像飛出鳥籠个鳥仔共樣，暢到奈毋得，緊行緊摘、緊食緊行。哇！一把把<sup>2</sup>个紅棗，啾紅又大粒、精神飽滿；咦，偌聽著樹頂絡食个細鳥仔啾啾滾呢，佢兜鬧熱煎煎个叫聲，唱出一條條好聽个歌仔；噉，細樹樑背仰會園等恁生趣个虐毛蟲呢？佢在該蠕蠕動像跳舞樣仔。還有當多毋識看過个細蟲仔，滿哪仔趁來趁去搞等困人尋。「你兜愛細義啊，毋好分棗仔笏刺著也！」看到全無瞞目个偌，好心摺佢兜提醒，噯毋記得自家係來搵手个唷！

對識得過「紅棗王」个姐公來講，紅棗係厥細寶貝，一路里來，花盡多个心思來照顧佢兜，姐公長透講：「人勤地獻寶，人懶地生草。用心照步來做，就會打出品質湛斗个紅棗哩啲！」兩年前，姐公身體無鬆爽，既經無法度去園肚做事咧，現下个紅棗乜較歉收咧，細寶貝可能係日思夜想姐公，噯毋記得愛好好成長哩！

偌想愛摺姐公个紅棗細寶貝深深感謝：你兜串出姐公个歡喜農場，你兜連起歸屋个幸福味緒，你兜還分偌有暢樂个童年回憶。偲兜共下來祝福姐公大寶貝，愛平平安安、康康健健！

<sup>2</sup> 一把把：音 id` pa` pa`；一串枝一串枝的。